

دارالفنون

حقوق فائز و مستر محمد علی

مفروق ، اقتصادیات

ایکی آبدہ بر نثر اولنور

مندرجات

قسم مفروقی :

یکی نور کیا حقوق مدنیہ سی تدقیقائہ مدخل ، صاوزه رمال (مترجم لری) دانش سعید ، صدیق سامی
حقوقک اجرا سندہ عدالت و اخلاق وظائفک مؤبدہ قانونیہ سی عبدالحق کمال
کتابیات موسیو قروڑات
استاد محترم محمد جلال بکک رسمی ترجمہ حالی

استانبول — یکی مطبعہ

۱۹۲۷

ث — نهایت ؛ احقاق حقن امتناع ایلمس ایسه ؛
ایسته کورولور که حدود وظیفه یی تجاوز نظریه سی پک واسعدر . مؤلفه کوره بونی
دار بر جرچیه ایچریسنه آلمق قابل دکلدر . موسیو هوریو ، دوپهنسی ، غیلاسون
وتیسیه ایسه بونظریه یی غایت محدود اوله رق طانیملردر .
مختصر برطرزده بحث ایستدیکمز موسیووالینک بواثری اول باول مطبوعاتیملر طرفندن
دقیلجه اوقونمغه لایقدر . زیرا محکمه تمیز ایله شورای دولتک بوخصوصده کی نقطه نظر
فرقی کستر مکده در . مذکور اثر بوتضاد سبیلله هر محکمه علیه نک مهارت خصوصیه سی
دها آبی بر صورتده میدانه قویتمده در که بو قضائی ایکیلکک دوغرولقنی تأیید ایدر . بو
کتاب اصول محاکمات حقوقیه و جزائییه متخصصری ایچونده فائده بخشدر . بومتخصصر
حدود وظیفه یی تجاوزی شکلده کی نقصانلقدن ، (rationne materiace) عدم صلاحیتدن ،
قانونه تجاوزدن تقریق ایدن هر خصوصاتی مقایسه وبالخاصه حقیقته توافق ایدن بر نظریه یی
علاقه ایله تعقیب ایده بیله جکلدر . بونظریه منفعت عامه ومشتکیلرک حقوقی صیانت صدنده
ایجاب ایدن ابطلالره مساعددر .
صیقی ودوربینانه برتحری اجتهاد محاکمه مستند اولان بوجدی وآچیق مطالعه بزجه
یالکز بعضی برلرنده پک زیاده معلق اولمقله مواخذده ایدیه بیلیر . بوندن ماعدا مدخلده
بوشلقلر موجوددر : بالخاصه مسئله وضع ایدیلیرکن حدود وظیفه یی تجاوزک عملی تمیز
طریقلریله اولان مناسبتلری کوسترلمه مشدر . فقط بو ، بویوک برقیمتی حائز اولان موسیو
والینک اثرینک درجه اهمیتنی آزالتمغه کافی دکلدر .

G. Werner-Le débat sur la compétence de la Cour Administrative fédérale
Genève. Gorg. 1927

ژ. ورنره — فده رال محکمه اداریه سنک صلاحیتنه دائر مذاکره . جنوره ژوژ ۱۹۲۷

جنوره حقوق فاکولته سی بر طاقم مخطرهلرک انتشارینی خبر ویریور . پروفیسور
ودرنره فده رال تشکیلات اساسیه سنک مکرر ۱۱۴ ویکی ۱۰۳ نجی ماده لرینی تدقیق ایله
قولکسیون کشار ایتمکده در . بوماده لر ۲۵ تشرین اول ۱۹۱۴ سنه سنده کی آرای عمومیه نک
(Référéndum) نمره سیدر . حرب واختلاف افکار بومسئله نک تأخره اوغرامه سنه
سبب اولمشدر .

اسویچره ، فده‌ده‌رال ایشلرنده اداری اعتراضاتک حاکمی اوله‌رق اصول اداره‌سنده برمحکمه‌عالیه قبول ایتشددرکه بو، قضائی (ایکیلیکک) معارضی اولانلر طرفندن بیلنمکه لایق پک مهم برتجدددر . بوندن ماعدا ، فده‌ده‌رال مجلسنک پک آغیر اولان وظائفی‌ده خفیفله‌جکدر . بومجلس حال حاضرده کندی صلاحیتی داخلنده بولونان بوتون ایشلر حقه‌ده معلومات ایدینه‌بیلنمک امکانشزلغندهدر . سیاسی وظائفله بوتون زمانی اشغال ایدلمش اولان فده‌ده‌رال مجلسی اوفق خدماتده‌کی اداری قرارلره قارشی یاپیلان پک چوق مراجعتلره عطف اهمیت ایده‌مز . اهالینک ای برصورتده صیاتی واداره‌نک دها صیقی بر مراقبه‌سی محکمه‌اداریه‌نک وجودینی مجبور قیلمشدر .

۲۷ مارت ۱۹۲۵ تاریخلی بر بیاننامه ایله فده‌ده‌رال مجلسی آرای عمومیه‌دن چیقان ماده‌لری تطبیق ایچون فده‌ده‌رال مجلس مبعوثانه تکلیفلرده بولونمشدر . ایشه بو، موسیو وهرنره محکمه‌اداریه‌نک صلاحیتی تعیین وتحدید ایتک ایچون ایلری سورولن مختلف اصوللری تدقیق ایتک فرصتی ویرمشدر . برده پروفیسور فلاینه‌رک نظریه‌سی واردرکه بوکا نظراً یالکزر صلاحیتی خارجنده بر اقیلان احوال مستثنا اولق اوزره بومحکمه‌عالیه دائماً صلاحیتداردر . شوصورتله که ، فده‌ده‌رال مجلسی طرفندن حل وفصل ایدیلن اداری اعتراضات دخی مراجعت موضوعی تشکیل ایده‌بیلیر . محکمه‌عالیه بوصورتله بویوک بر مکملیتی حائز اولاجقدر . بالعکس ، فده‌ده‌رال مجلسنک اداری غنغیه اساس اولان پروژه‌سی مذکور مجلس قرارلرینک استیناف طریقيله محکمه‌اداریه‌یه کیمسه معارضدر . فده‌ده‌رال مجلسی منفی اجتهادینه مدار اولق اوزره حاکمیت منتظمه (Autorités coordonnées) نظریه‌سنی ایلری سورمکدهدر . بونظریه فده‌ده‌رال مجلسی وفده‌ده‌رال محکمه‌سنه کوره بر بوندن مستقل وعینی درجه‌ده‌اولان حاکمیت منتظمه‌درکه ، فده‌ده‌رال مجلسنک ویا فده‌ده‌رال محکمه‌سنک برقراری دیکرینک رأی وتقديرینه بر اقیلاماز .

پروفیسور وهرنره بویله بر نظریه‌یه اعتراض ایدیور : حاکمیتلرک مستقل اولماسی برینک ویردیکی قرارلرک بعض احوالده دیکرینک رأی وتقديرینه بر اقیلاماسنه مانع تشکیل ایده‌مز (فرانسز رئیس جمهورینک اراده‌لری شورای دولتک رأی وتقديرینه مربوط بولونمقدهدر) . «حکومتی اهالی‌یه قارشی تمثیل ایدن فده‌ده‌رال مجلسنک هرخصوصده اهالی ایله حکومت آره‌سنده تحدت ایدن بوتون اداری اعتراضاتی قطعی بر صورتده حل ایتسی ایچون دها آبی ، دها بیطرف بر مقام اولدیغنی هیچ کیمسه ظن ایتمز ، بونک حقیقی

سببی فده رال مجلسیله محکمه اداره ارسنده حقوق بر نقطه ده تحدث ایتسی محتمل اولان
اختلافدر . موسیو ژاقله نك فرانسز سیستمنده موجودیتندن زیاده سیله قورقدینی بر نوع
اختلافك اوراده بولونماسی احتمال داخلنده در .

موسیو ورنه ر بونده بر بدینك كوروب بونظریه بی قبول ایتمیور . پروفیسور
فلاینه رك نقطه نظریه اشتراك ایدرك موسیو ورنه رامور عدلیه اداره خصوصنده کنیش
بر نظریه طرفداری بولونیور .

بونکله برابر ، فده رال مجلسنك نقطه نظری قبول ایدلسه بیله ، حاکمیت منتظمه بره نسبی
(Antorités Coordonnées) بر مانع تشکیل ایتکسزین فده رال مجلسیله محکمه اداره
آرسنده اشتراك سبی تأمین ایچون بر واسطه بولونابیله جکدر که بو ، قرار دن صو کرا
یابیلحق اعلام طریقله دکل ، فقط اولجه ویریله جك رأیله قابل اولابیله جکدر . بو ،
بین المال دیوان عدالتك رأی استشاریلری طرزنده اولاجق وشو صورتله حقیقه عدلی
بر مجرایه دوغرو کیدیله رك فده رال مجلسیله محکمه اداره بیئنده مناسبت تأسیس ایدیله جکدر .
بومقانیزه اهالینك منافعی خصوصنه عامل اولاجقدر .

شوالده پروفیسور ورنه ر رفیق فلاینه رک کی اسویچرده امور عدلیه اداره نك آتشین
بر مدافعیدر . معلوم اولدینی اوزره کنیدیسی جنوره ده قانونك تشکیلات اساسیه درجه
موافقتك مراتبه سی طرفداری اوئش ایدی . تکلیف ایتدیکی ماهرانه صورت تسویه
نظراعتاره آئمه لایقدر . اثری واسع بر امور عدلیه اداره نك اسویچرده لزومنی اثبات
ایتمکده در .

Stabilisation monétaire en Belgique, par M. Louis Franck. Payot, Paris 1927

بلجیقاده پاره نك استقراری : موسیو لوئی فرانق . پارس ۱۹۲۷ . پایسو

حرب عمومیدن صو کرا بر جوق مملکتلرک معروض قالدقلمی بحران مالی هر کسک
معلومیدر . بوقیلدن اولق اوزره بلجیقا زمان اولدی که افلاس ایتک تهله که سنه دوشدی .
الک نهایت پاره سنی یکی بر حاله افراغ ایدرك بوعظیم تهله کی آتلاتدی . و تحویلات اخراجنه
مآذون هولاندا بانکهنك رئیس موسیو (ویسه ریئغ) ک بلجیقا خارقه سی دیبه توصیف
ایتدیکی استقراری ، (بلغا) بی (یکی بلجیقا پاره سنك اسمی) وجوده کتیرمکه موفق
اولدی .